

YÜGA NGÜ 66

1. Cogboro wu kpara ka wu Yuda le ta azoro yesu gbu ra karama ka gurusu fu ta de ne ka neh?

-Wuh kpe ta curu ga te ani zoro Yesu gbu ra karama la wu kpara ena ta azinga.

2. Yuda wu ta kpo ga wu yaka ni agbu duru ni le Yesu teka akuwa ni?

-Abala de.

3. Kpara te te mala fu Yuda ga a se Yesu ne de da?

-Ade Satana.

4. Satana le ta de Yuda se Yesu ne tengu neh?

-Ka ete Satana le Yesu de ne.

5. Satana le Yesu de ne ka neh?

-Ka ete Yesu de ne ka neh?

-Ka ete Yesu emala ndaye bu fanu ne.

6. Satana le ta teka de wu cogboro wu kpara ka Yuda moro Yesu ne tengu neh?

-Ka Yesu ena akuwa wu kpara.

-Ka Yesu ena asiti wazi wu sitingu, de kpi de wazi Satana.

7. Kpara ta te wu Nebi mala ga ana ase muru kuwa ne ta ne de da?

-Ga owuba kaka de gbameri.

8. Wuh se ta Yesu de fe?

-Se tiki biri de fuye njukpa.

9. Yesu wu ta ga Yuda ena se ni ne ta baye?

-Ka ete Yesu de me ne, awu wu e 'buru.

-E kpala de ga Yesu wu de ne nda ma.

10. Ambata ta baka kuru kute Yesu ne baye?

-Bu baka ta te wuh kuru ambata ne, ena akuru kute Yesu kpa bala.

11. Fi ta baka kuru ngute Yesu neh baye?

-Bu baka ta te wuh toko fi ne, ngute Yesu ena atoko ta kpa bala.

12. Yesu mala ta ga ngute ni ena atoko ta neh teka da?

-Yesu mala ta ga ngute ni ena atoko teka bi wu kpara.

-Fu tanga tate wu Yesu de wu matima kaye ce ta Yeruselema ayi anu fu da ka Olive agbu ye de iri ye Gethsemane ne.

Ni Tanga La Marko 14:32-36

32-Wuh nu ta gbu su de iri ye Gethsemane ne, fu Yesu ta amala fu wu matima kaye ga, “yi ci nga ra sene ma nu eyi akugba fu me.”

33-Aza ta Petero, James ake Yona de yi, fa cinga ta atona amere engu.

34-“Cinga emere kuru ra baka maza akpi la,” fa amala fu uwu ga. “Ye mgbu sene de yi cika kpi ‘be.”

35-Anu engegira nu la fa atiye kötö akugba fu me ga, te ati eyi jaja la de aza ngu la fu ye sidi.

36-“Abba, wuba,” fa amala ga, “muti eyi amere wu e’buru. Mu za ndu’ba la gbu njora sidi. Ade ngu kara de, ade ngu kamu.”

-Gbu ye ka Gethsemane, fu Yesu ta atona akugba baka ta te cinga emere engu ne.

-Cinga emere ta Yesu ne ka neh?

-Ka eta te Yesu wu kpo ga cinga de engetira ni ne fa wu mbusa te wu kpara maka ne ‘buru ne.

-Baka ta te yesu di de me neh, ata kpa de mundu.

-Ambu taambu teka de Yesu maka mbusa ta te ena akoro engegira na ne.

Ni Tanga La Marko 14:37-42

37-Te Yesu du ta fu wu matima kaye ne, akoro maka uwu ‘buru de ara. “Simon,” fa amala fu Pete ga, “yi ra ara? Yi ti amgbu ka lo ra biringbo de?

38-Yi mgbu kpekpeke de akugba ka yi na a ti a gbu re ngu. Kuru ele, kute le ndaye de.”

39-Fa ta adu ye akugba bu bala.

40-Tengu du koro ta ne amaka ta uwu kpa de ere ka eta te ja wu de ra ne. Ngu ta te wuh ena amala fefe ma.

41-Te Yesu de koro ta du bata engu ne, fu Yesu amala fu uwu ga, “yi la fi bu ara de afe teyi? Ali eyi lo ra engu koro eyi yi cika la wuh se ye komoko eyi fu wu muru siti ngu.

42-Yi ye eya de ni nu! Kpara te se ra koro eyi dene!”

-Ta te Yesu nja de akugba eyi gbu ye ka Gethsemane ne, fu wu kpara ta akoro wu de wu ru de wu dere mo e.

Ni Tanga La Marko 14:43-46

43-Bu baka te engu ta emala ne, Yuda, ga ra matima ka koro nja eyi. Wuh ta de wu kpara de wu e ka gu esaka wu, mere uwu tima koro uwu muwu.

44-Kpara te se engu ne reke ta ngu eyi de uwu. Kpara te mana ato mande fefe de bagara, la dele eyi engu: de yi zoro engu anu de engu.

45-Fu Yuda ta anu ye mbolo fu Yesu, fa amala ga, “Rabbi!” fa azoro engu gbu baga ye.

46-Fu wu komoko la ta azoro Yesu anu de engu.

-Kpara ta te koro de wu kpara te wu di de wu e ka gula ta neh de da?

-Yuda.

-Wuh Yuda de wu bi kpara la koro ta amere neh?

-Teka azoro Yesu.

-Kpara ta te te engegtira nu fu Yuda teka azoro Yesu ta ne de da?

-Ade Satana.

-Gara kpara ta te Satan te fefe engegira nu ne ta neh de da?

-Wu kpara ‘buru te wuh le ngu ka me de ne, Satana ete fu uwu engegira nu ‘buru maye.

-Wu kpara ‘buru te wuh le baka muru kuwa de ne, Satana ete ta fu uwu engegira nu maye.

-Yuda se ta Yesu neh baye?

-De azoro engu gbu baga ye.

-Baka ta le Yuda zoro Yesu gbu baga ye ne, fu wu komoko la ta azoro Yesu atafa de engu.

Ni Tanga La Marko 14:47-49

47-Fu gara uwu ta te engu ru gba meri a kusa maguruma kaye fa a wa geje kpara ka tima ka wu cogboro kpara.

48-“Ma ndoro neh de kpara ka gu, fu Yesu ta amala ga, fu yi akoro de wu e ka gu teka azoro ra ne?”

49-Ma ta de yi de wu ra nde, de agu tamu ngu gbu kambu ka me, yi zoro ta ra de. Ngu te wu ba gbu kicikpa ena ambere teye bu bala.”

-Yesu le ta amala ga neh te engu mala ga ngu te wuh ba gbu kicikpa mere teye famu ne?

-Yesu emala ta ga wu ngu ta te me mala etu wu Nebi gugu ne wuna amere te uwu ‘buru.

Ni Tanga La Marko 14:50

50-Fu wu matima ma la ta ace engu ‘buru fu uwu akpe ka uwu.

-Wu matima ka Yesu la kpe ta ‘buru neh ka neh?

-Wu matima la ekpe ta curu tengu wuh wu ta si ngu te wuh ezoro Yesu tete ne de ne.

-E ta te wu matima la wu de ne neh?

-Wu wu ta de ga Yesu ena amgbu de muru kuwa neh baye, te wuh zoro engu eyi amoro ne.

-Wu matima wu ta de, te Yesu ena akuwa uwu ta neh baye te engu kpi eyi la.

-Wuh kpara ta te wu zoro Yesu ne, nu ta de engu neh kaye?

Ni Tanga La Marko 14:53-54

53-Wu nu ta de Yesu kpaka wu cogboro uwu fu wu cogboro wu kpara, de wu mere wu kpara ka tima de wu muru gu tamu ngu ta akoro 'buru biringbo.

54-Petero nu ta fu tanga na nengete bane, gu su ka wu cogboro wu kpara la, fa ta amgbuye kpala ede wa dewu kpara te wuh cika su la ne.

-Wu kpara ta te wu zoro Yesu neh nu ta de engu fu wu cogboro wu kpara.

-Petero fa ta nga Yesu eyi za nengete bane, fu engu ta ake curu ga wu na anu azoro ni amoro.

-Ta te wuh koro de Yesu fu wu cogboro wu kpara neh, fu wu cogboro wu kpara ka tima de wu mere wu Yuda ta abiti te uwu teka a kola mgbanga Yesu.

Ni Tanga LaMarko 14:55

55-Wu cogboro wu kpara de wu kpara te wu di ta kpala ne egiri ta ngu teka a su te Yesu taka de wu moro ta engu wu wu ta 'buru de.

-Wu cogboro wu Yuda wu ta ngu teka azoro Yesu tete de ta neh ka ne?

-Tengu Yesu duru ta nda de.

-Tengu Yesu mere ta siti ngu nda de.

-Gara wu kpara mala ta wu wu te Yesu, wu ngu 'buru ta te uwu mala la kaye ta 'buru wu.

Ni Tanga La Marko 14:56-59

56-Bi wu kpara su ta wu tete, wu ngu ta te wu mala la ta kaye 'buru wu.

57-Fu gara uwu ta aya kpatikpi amal bane:

58-Ni je ta engu de amala ga, Mana akuru kambu ka me te wu kpara reke muwu ne, fara areke gara gbu siki bata te wuh reka de kpa de ne?"

59-De bala ne, wu ngu ta 'buru te wu mala la kaye de wu.

-Baka ta te wu kpara la 'buru su wu te Yesu neh, cogboro wu Yuda wu ta sitingu kaka fi bude.

-Amere bu baka tate me mala etu wu Nebi gugu ga wu kpara ena su wuwu ekute muru kuwa ne.

-Fu mere kpara la ta aya amala ngufu Yesu.

Ni Tanga La Marko 14:60-62

60-Fu mere kpara ta aya kpatikpi ayi ta ta Yesu engegira uwu 'buru ga, "mu le a le ngu de? Wu ngu te wu kpara ne emala ekute mu ne ne neh?"

61-Yesu nga kaye ta anga ale amala ngu nda de. Fu mere kpara ne ta kpa ayi tata ga, "Mu de Christo, ye mere kpara ne?"

62-"M de engu," fu Yesu ta amala ga," muna a cika ye komoko de amgbu ede mere miri te ena akoro agbu kpi."

-Te wu kpara ta emala wu wu ekute Yesu neh, anga kaye ta anga amala ngu nda de.

-Yesu mala ta ngu de neh ka neh?

-Yesu wu ta kpo ga me de wo ti ta eyi amala ngu te ni na amala.

- Yesu wu ta kpo ga me de wo ena amere wu e ‘buru te ena amere te ngu ni maye.
- Te mere kpara ka uwu yi tata Yesu te engu de Christo, ye me ne, Yesu mala ta ga neh?
- Yesu mala lugu ta ga, “made engu.”
- Yesu mala ta kpa ga, “yi ena acika ye komoko te mgbu ede mere nuri te ena koro gbu burungu agbu kpi.”
- Ta te Yesu koro fu koto ne, akoro ta baka me muru kuwa teka akuwa wu kpara.
- Te Yesu dukoro fukötö la wu kpara ena wu engu de amgbu ede me de wo ne.
- Te Yesu dukoro fukötö la, wu kpara ena a wu ‘buru ga Yesu de me.
- E ta te wu cogboro wu kpara la mere de Yesu ö te wu je ngu ka ka ne neh?

Ni Tanga La Marko 14:63-64

63-Mere kpara la soro ta bongo kaye. “Ni le gara kpara amalangu ne ka neh?” fu ta ayi tangu.

64-“Yi je suko te me la eyi. Yi fi ne baye?” Fu uwu ‘buru ta amal ga ale de wu moro engu

- Mere kpara la soro ta bongo keye neh kaneh?
- Te maguma wu Yuda nju ta eyi la, wu mgbu a soro bongo ka uwu.
- Mere kpara la soro ta bongo kaje tengu maguma na nju ta ekute Yesu.
- Maguma mere kpara la nju ta te Yesu ne tengu neh?
- Ka ete Yesu mala ta ga ni de me ne.

-Mere kpara la mala ta ga wu moro Yesu ne ka neh?

-Mere kpara la mala ta ga Yesu soko me eyi.

-Yesu siti ta komuye eyi ekute me?

-Abala de.

-Yesu mala ta bu ga ni de me.

Ni Tanga La Marko 14:65

65-Fu gara uwu ta atona a su suru ekute Yesu; fu uwuta atona ani jaja, de abe engu de kpawu, fu uwu amala ga, “Nebiya!” fu wu bazangere ta aza engu ami.

-Amere bu baka ta te me mala etu wu Nebi gugu ga wu na ami muru kuwa fu uwu a susuru ekutkute ne.

-Fu wu mere wu kpara de wu cogboro wu kpara ka wu Yuda ta amala ga wu moro engu.